



Ubufasha mu by'amategeko

Abakozi b'urukiko ntibemerewe gutanga ubujyanama mu by'amategeko. Niba ukeneye ubufasha mu by'amategeko, ushobora gushaka umwunganizi mu mategeko (avoka). Ushobora kandi gusura urubuga rw'urukiko, kuri paji yanditseho "Ubufasha n'ubujyanama mu by'amategeko" [Legal Help & Guides] iriho amakuru arebana n'uburyo wabona ubufasha mu by'amategeko. Serivisi zimwe na zimwe ni ubuntu cyangwa se zirahendutse ku baburanyi bafite ubushobozi budahagije. Sura urubuga rwa www.courts.maine.gov ubone amakuru arambuye.



Ku bindi bisobanuro, sura urubuga rwa
www.courts.maine.gov

KWISHYURWA AMAFARANGA BIGENDANYE N'UMWANZURO W'URUKIKO



Ishami ry'ubucamanza rya Maine
Ibiro by'Ubushobozi bw'Inkiko

Niba umwanzuro w'urukiko ku birego byoroheje watanze cyangwa se mu rubanza rw'imbonezamubano uvuga ko hari amafaranga uberewemo, ufite uburenganzira bwo kwishyura ayo mafaranga. Mu gihe amafaranga uberewemo utayishyurwe, ushobora kongera kujyana uwo urega mu rukiko kugira ngo rumutegeke kukwishyura. Bene iki gikorwa mu rukiko cyitwa "Iburanisha ryo gutanga amakuru".

Mu iburanisha ryo gutanga amakuru wowe n'umuntu ukubereyemo amafaranga ("Umuntu ukubereyemo umwenda") murebera hamwe amafaranga n'imitungo ukurimo amafaranga afite kugira ngo murebe ayo ashobora kukwishyura. Wowe n'umuntu ukubereyemo umwenda mushobora no kwemeranya uburyo azakwishyura mu byiciro muri iryo buranisha ryo gutanga amakuru.

Inzira zo gutangira urubanza rw'iburanisha ryo gutanga amakuru

1. Uzaza amafishi yo ku rukiko.
2. Genzura neza ko umuntu ukubereyemo umwenda yabonye ayo mafishi. ("Yamushyikirize".)
3. Shyikiriza ayo mafishi urukiko rw'Akarere, ndetse unagaragaze igihamya ko wayashyikirije n'ukubereyemo umwenda.
4. Jya ku rukiko ku muni w'iburanisha.

1. Uzaza ifishi yo ku rukiko

Umwanzuro w'urubanza rw'ibirego byoroheje - Ugomba gutegereza iminsi 30 nyuma y'umwanzuro w'urubanza rw'ibirego byoroheje, mbere yo gusaba urukiko kuburanisha urubanza rwo gutanga amakuru.

- Safa ifishi yo "Kumenyesha iburanisha ry'urubanza rwo gutanga amakuru ku birego byoroheje" [Notice of Small Claims Disclosure Hearing] ku mwanditsi w'urukiko, uzashyiraho itariki y'iburanisha ndetse agashyira n'umukono we kuri icyo fishi. Iyi fishi uyishyura udufaranga duke.

Umwanzuro w'urubanza mbonezamubano - niba umwanzuro w'urukiko mu rubanza mbonezamubano rwawe uteganya ko hari amafaranga uberewemo, ukeneye "Urubanza rwo gutanga amakuru" Iyi fishi isaba umuntu urimo umwenda kwitaba urukiko ku itariki n'isaha byagenwe. Ugomba gusaba iyi fishi mu bwanditsi bw'urukiko, kandi igomba kuba iriho umukono w'umwanditsi w'urukiko, ikindi kandi ugomba guhabwa itariki n'umwanditsi w'urukiko ikandikwa kuri icyo fishi mbere y'uko uyoherereza ukubereyemo umwenda. Iyi fishi uyishyura udufaranga duke.

Inyandiko - aya mafishi yombi agaragaza urutonde rw'inyandiko ukubereyemo umwenda asabwa kwitwaza mu rubanza kugira ngo mubashe kumenya ubushobozi bwe bwo kwishyura. Nk'urugero, ashobora kuzana inyandiko za banki zigaragaza imikoreshereze ya konti ze cyangwa se inyandiko zigaragaza uburyo yishyura imisoro.

Nurangiza kuzuza icyo fishi, uyifotoremo kopi ebyiri. Sigarana kopi imwe yawe.

2. Iyindi uyihe ukubereyemo umwenda

Kumenyesha itangwa ry'ikirego "Service" bivuga kumenyesha ukubereyemo umwenda ko ugiye kumujyana mu nkiko kugira ngo umwishyurwe amafaranga yawe. Kumenyesha itangwa ry'ikirego akenshi bikorwa n'umupolisi w'urukiko. Vugana n'ibiro by'Umupolisi w'Urukiko byo mu gace utuyemo kugira ngo ubone serivisi ko kumenyesha itangwa ry'ikirego.

Ku birebana n'iburanisha ry'urubanza rwo gutanga amakuru ku birego byoroheje ugomba kumenyesha urundi ruhande nibura iminsi 7 mbere y'itariki y'iburanisha. Ushobora gusaba umwanditsi w'urukiko kukumenyeshereza urundi ruhande, ariko ukishyura andi mafaranga y'inyongera. Baza umwanditsi w'urukiko niba ari ngombwa ko abigufashamo.

Ku birebana n'urubanza mbonezamubano rwo rwo gutanga amakuru, ugomba kumenyesha urundi ruhande nibura iminsi 10 mbere y'itariki y'iburanisha.

Hari ubundi buryo buhari bwo kumenyesha urundi ruhande. Ku bindi bisobanuro ku bundi buryo buhari bwo kumenyesha itangwa ry'ikirego, reba agatabo karimo amakuru ku kumenyesha itangwa ry'ikirego.

Umupolisi w'urukiko azakohereza inyandiko igaragaza ko urundi duhande rwakiriye imenyeshya ry'uko watanze ikirego. Shyira icyo nyandiko hamwe n'izindi nyandiko zawe z'urukiko mu gihe ushyikiriza urukiko ikirego cyawe.



3. Shyikiriza izo nyandiko zawe urukiko

Fata icyo fishi y'imenyesha ry'itangwa ry'ikirego woherereje urundi ruhande (yaba imenyeshya ry'urubanza rwo gutanga amakuru ku birego byoroheje cyangwa se imenyeshya ry'urubanza rwo gutanga amakuru) hamwe n'inyandiko ihamya ko warumenyesheje wahawe n'umupolisi w'urukiko maze ubishyikirize urukiko. Hari amafaranga uzishyura mu gihe ujyanye icyo fishi ku rukiko.

4. Jya ku rukiko

Uzaburana ku itariki urukiko ruzaba rwaguhaye. Muri urwo rubanza, mwembi wowe n'umuntu ukubereyemo amafaranga muzasabwa kuvugana n'umucamanza. Muzitabire iryo buranisha. Mu gihe mutitabiriye iburanisha, urukiko rushobora gufata imyanzuro mutabigizemo uruhare.